



10 September 2020

Masmur 42:6-12



KU DIBATA SAJA PENGARAPENKU



Ibas masa Pandemi Corona enda, it piga- piga temanta si arus ngadi erdahin, sabap lanai terbiyai perusahanna, lit si ikurangi waktuna erdahin, lit arus ganti profesi. Erbage si man alanken si erbahansa latih kula, latih ukur ras latih pertendin. Bageme pe si inanami anak-anak Korah i bas renungenta enda. Biasana tiap wari ia erdahin i bas rumah pertoton. Dahinna nikapken ingan ersembah bangsa Israel man Tuhan, ngalo-ngalo bangsa e i bas rumah pertoton, nikapken lagu-lagu si man endenken tupung kebaktin, nikapken ende-enden pujin man Tuhan arah paduan suara, make alat music guna muji Tuhan. Ngajuk kerina bangsa Israel lako muji Tuhan. Kegelhenna tiap wari i bas rumah pertoton.

Rikutken renungenta enda, anak-anak Korah ikut itawan ku pembuangan Babel. Tadingkenna rumah pertoton inganana nggeluh ngelai Tuhan ras ngelai perpulungen. I Babel ia arus ngadi erdahin. Lanai erdahin e erbahansa latih kal pusuhna, la ietehna kai si man dadapen, ganti pendahin pe ikuta kalak mesera kal akapna. Tambah ka latih pusuh erkiteken isaling-saling kalak Babel si ngataken, ija kin Dibatandu? Lanai iperdiatekenNa geluhndu ras geluh bangsandu. I kuta Babel enda labo IA erkuasa, lit dibata-dibata kami, si ngasup naluken dibatandu. Emaka labo IA ergegeh namati kam. Kata penaling-naling enda nabahi sedah pusuh anak-anak Korah.

I bas keguluten ukur e, anak-anak kotar erlebuh man Tuhan, ras nina, engkai maka ndele ateku, engkai maka susah ku akap? Ku Dibata saja aku erpengarapen jenari ku puji IA tole, si ngkelini aku dingen penampatku. Situasi keguluten la erbahansa bene kiniteken ras pengarapen pemasmur enda. Bage me iarapken bas kita nari, kesusahen erkiteken pandemi la erbahan ceda kinitekennta.



 Pengaturan Tuhan mehuli i bas paksana